

從初更會捏風顛撒向瑤池種玉蓮生出一枝偏皎潔拂開五
葉各團圓昔能已見通玄妙今則還知得自然既沒四時催逼
去長春境上不排年

修行須用九陽圖認得陽圖事事甦智者便知超造化愚人枉
了下功夫得來勘破無中有成後何如有若无有有无有
相有中无相達天衢

能知下手免三塗咄了從前這匹夫入火肯教成爇熾渡河難
以溺漂浮日中精豔長生瑩月裏瓊林永不枯此箇大丹歸物
外逍遙來往入虚无

示學道人

道藏輯要

重陽全真集

十三

上胃集二

虛誇修鍊鍊何會只向人前衒已能難曉儒門空怯士不通釋
路卻嫌僧色財叢裏尋超越酒肉林中覓舉昇在俗本來無一
罪蓋緣學道萬重增

心中端正莫生邪三教搜來做一家義理顯時何有異妙玄通
後更無加般般物物俱休著淨淨清清最好誇巨劫真人重出
現這迴復得跨雲霞

果然慕道沒牽纏孤僻身軀獨自眠靜裏靜生唯得妙閑中閑
至決投玄恁時放肆知恬淡度日清涼稟聖賢休望神仙休說
了教公自坐白花蓮

去年甯海軍中坐今歲文登縣裏行兩過歲除寒復暖二經年

節暗還明這般顛倒誰同曉此箇陰陽我獨精一兩真金纔出
火不須團打自圓成

好相如知莫外持心神便是汝真師古人公案須搜獲自己家
風要騁馳細細得通前覺性盈盈澄正舊慈悲慈悲清淨俱雙
立頓悟全無物物糜

認得心花便害風玲瓏玄妙汞鉛通三千內用千朝法十載中
傳九轉功彩豔萬重鋪潔白明光一點吐殷紅虛空返照虛空
影照出真空空不空

幾箇同流會養軀我今獨自銜癡愚饑來糲飯長哺啜寒後麤
衣任蓋鋪詩句不能分密妙心間難以認惺甦豈唯得得時須

道藏輯要

重陽全真集

十四

上胃集一

守應是還他父母租

一字至七字詩

詠茶

茶茶瑤萼瓊芽生空慧出虛華清爽神氣招召雲霞正是吾心
事休言世味誇一盃唯李白興七椀屬盧全家金則獨能烹玉
藥便令傳透放金花

酒

酒酒惡唇臍口性多昏神不秀損敗真元消磨眉壽半酣愁臍
腸大醉摧心首於己唯恣猖狂對人更沒慚慚不如不飲永醒
醒無害無災修九九